

籌辦夷務始末

籌辦夷務始末卷之二十八

道光二十一年辛丑閏三月乙亥靖逆將軍奕山參贊大臣隆各楊芳兩廣總督祁墳奏竊等前准軍機大臣字寄奉

上諭琦善前奏香港地方寬至七八十里如或給予必至屯兵暨  
種建臺設礮久之親觀廣東流弊不可勝言茲又據奏香港孤  
懸海外離省較遠等語前後情詞自相矛盾顯係不實著奕山  
隆各楊芳祁墳確切查明據實具奏等因欽此又二月十七日  
奉

上諭前飭琦善查明陣亡將弁兵丁數目茲據履奏已降旨交部

照例賜卹。惟將弁傷亡甚多。該兵丁等陣亡。恐不止此數。著奕山等查明琦善所奏。有無隱飾。又琦善與義律屢次晤面談論香港之事。彼時有無官員在傍。該夷日與琦善有無私相餽送之事。著奕山等密加查訪。據實具奏。等因。欽此。當經飛咨楊芳就近密咨廣東撫臣怡良。不動聲色。確訪已革總督琦善兩次與義律晤面談論香港之事。係何官員在傍。並伊親隨家丁何人同往通事。共帶幾人。一併傳齊聽候訊問。等因。奉抵粵後。接准撫臣怡良咨據。署廣州府知府余保純。副將趙承德等會稟。遵查道光二十一年正月初三日。前署督琦善隨帶武巡捕高殿甲。別乘轎黃者等三員。家丁胡

姓趙姓謝姓等三名乘坐督轅坐船又帶船戶吳亞裕之西瓜扁一隻自有起程前赴獅子洋蓮花城山下接見義律先令趙承德督兵二百名攜帶帳房前往紮營余保純等係地方官隨往照料彈壓洋商盧文蔚等十一名通事蔡懋等四名均經隨往伺候初四日傍晚義律坐火輪船二隻到彼停泊令鮑鵬知會約於初五日巳刻前來謁見至初五日○前署督琦善先到營盤義律帶領夷官夷兵數十名進帳免冠謁見前署督琦善因夷人衆多諭令義律帶同夷通事前往坐船說話逾時始退其時鮑鵬一人在船傳話卑府暨洋商等各回已船巡捕船戶人等在船站

並前署督琦善與義律所談何事。概未聽聞。初六日義律仍駕火輪船出虎門。前署督琦善換坐吳亞裕之西瓜扁。前赴虎門查勘礮臺。諭令卑府等先行回省。前署督琦善於初八日回輪。至正月十九日復乘坐吳亞裕之西瓜扁前往蛇頭灣地方。卑府等均未隨往。前署督琦善如何接見義律如何商議事件均不知情。等語。等以該府余保純等均有地方之責。隨往彈壓。琦善即有私相餽送之事。亦斷不使令知之。而巡捕洋商等近在同船。雖未經和豈無見聞。等復提傳巡捕及洋商等親加究訊。據巡捕高殿甲。洋商伍敦元等會稱。雖時船內惟鮑鵬一人傳話。小

的等俱在船外伺候實未見義律有餽送情事再三嚴鞫  
矢口不移等伏思琦善兩次往見義律議事均係鮑鵬  
傳話其如何談論香港之事及有無餽送自必深悉查鮑  
鵬一犯已奉

旨一併解京其家丁胡姓等三人亦俱隨往無憑實訊應將取  
文武官員並洋商人等各供咨送刑部請

旨敕下就近查訊鮑鵬以期水落石出再查香港地方島嶼里數  
據署大鵬協副將賴恩爵稟稱遵查香港距新安一百六  
十里離城四百四十餘里該處與赤柱紅香爐巖帶路各  
處互相毗連形如鼎足共為一大島周圍約一百四十餘

粵東帶路與尖沙嘴兩相對峙若就香港鼎形一足而論  
周圍共約三十餘里鋪戶十二間居民約七十餘家面海  
背山殊非泊船要澳祇緣毗連東帶路等山故前次該夷  
以借香港為名懇請寄居其實欲據東帶路與紅香爐兩  
處等語詳核所稟自屬實在情形是琦善前奏香港周圍  
約七八十里或係專指一其而言今該夷尚有住泊尖沙  
嘴者搭蓋棚寮五六間均有夷人在彼住宿又於山下開  
架帳房二頂共有夷人三四十名查尖沙嘴與香港對峙  
中隔一海該處藏風聚氣可以停泊該夷等在彼游移住  
泊未必不垂涎於此等當與臣祁墳會商嚴飭著水師

提督督率副將仍不時密加偵探隨時稟報至琦善前奏  
陣亡兵數恐有不實事關鉅典未便草率等語已飭該管  
將官等詳細查明據實結報不准稍有隱飾

奕山隆谷祁墳又奏竊等語未出京之先承准軍機大臣  
字寄道光二十一年正月十九日奉

上諭怡良奏接辦粵海關務稅課短絀一摺據稱粵海稅課以夷  
稅為大宗本年所到夷船不及十分之二因各國之船為英夷  
攔阻不能進口是以六月後正當徵輸暢旺之時轉致短絀等  
語廣東例准各國通商其恭順各國自仍照常貿易英夷強悍  
桀驁阻撓各國生計各國豈肯甘心失地著奕山隆谷祁墳於



先後抵粵時查明各國情形。果否怨恨。喚夷阻撓。生計抑稍有  
歆望於天。孰未能招徠撫綏。以致向隅失業。據實具奏。欽此。仰  
見我

皇上懷柔遠人。體恤備至。才等馳抵粵省。連日密加查訪。並咨據  
撫臣怡良。將現在進口各國貿易商船數目。查明咨照。覈  
辦前來。才等詳加查覈。緣粵海關務舊章。例准通商各國  
除居住澳門之小西洋夷人貨船。向在澳門卸貨外。其餘  
味喇。噶喇。嗎荷。蘭。國。大小呂宋。國。噶。吧。吧。國。噠。國。噠。國。噠。國。  
單。屬。國。雙。屬。國。噶。吧。吧。國。並。港。脚。各。國。貨。船。向。例。應。進。黃  
埔。查。驗。開。船。各。該。國。距。粵。程。途。遠。近。不。同。每。年。來。船。數。目。

約在一百餘隻二百隻不等。自二十年三月二十六日起。截至六月初二日止。祇到有咪喇啞國呂宋國貨船十九隻。自是之後。並無貨船進口。蓋因啖夷犯暎兵船來泊粵洋。所有各國貿易商船均被啖夷阻撓不得進口。啖夷強悍。禁禁各該國力不能制。無不同深怨恨。至本年二月初六日。啖夷闖入虎門。攻破烏涌卡座夷船。直達黃埔。是以向准通商之咪喇啞國。咪喇啞國及港脚貨船共四十二隻。始得隨後進口。代啖夷懇求通商。經岑楊芳會同撫臣怡良體察情形。奏明仍准恭順各國照舊通商。該夷人等無不欣戴。

皇仁並不敢歎望於

天朝傳訊各通事所稟亦俱相符現在雖經開船而殷實客商均經遷避交易者甚屬寥寥等語現已出示曉諭令其速歸各安生業與恭順各國照常貿易無須驚疑日來漸次歸業民情少覺安帖

奕山隆咨楊芳又奏竊等等於二十六日拜發大概情形捐後當即率同翼長段永福等周歷城垣及附近四面各要隘逐一履勘查得新舊二城內外樓房高與城齊惟北面依山為堞先經李楊芳分派兵弁協同城上城內分段防守而各省徵調未齊不免尚形單弱等語悉心籌畫逆

夷進攻必由東南西南兩路而入東南一帶水面較窄中流亦淺西南由白鷺潭直接大黃窰水面寬闊中流水深三四丈不等此路最當賊衝而近岸民居鱗次河面距城僅止數丈不能安營先日迤西水關起由城南之太平門五仙門至迤東之永清門止除廣州協兵外派撥江西湖南廣西兵一千一百名在城上分段協防沐四川兵六百名在城外南面之油欄竹欄靖海等門外街市衝要處分段設伏保護馬頭東西二礮臺安設新鑄八千斤鐵礮二座以備沖突又於東教場東西得勝礮臺等處安設四川江西各省兵四千名以為犄角城東北西北兩處分紮責

州湖北等省兵四千一百餘名以爲前三面官兵應援正北保釐墩臺分紮湖南等省兵一千二百名聯絡舊城北面守城兵以壯聲威佛山密邇花地係糧臺重地截留廣西兵一千五百名藉資捍衛並接應外運木排墩位防夷截劫經此一番布置民心安定等又宣布

### 皇上救民除暴

德威並用刊刻告示各處招徠商民移徙者已漸復業喚夷近聞大兵齊集稍知畏懼惟前准通商之港脚係其屬國早經隨同開船而該夷兵船不肯遽退未必不希冀貨船全數入港故爾觀望等不動聲色恐其遠颺攻勦轉覺棘手

暗由廣西購辦大木。韶州肇慶二府置造小木排。提催江西廣西。破位專派幹員督造軍火。剋期進剿。但廣東戰船多被焚燒。各礮臺原設破位。損失過半。刻下趕鑄破位不能一時應手。而水師又無兵可調。現在調到陸兵。不習於水。下水推排放火。乘船兜圍。必須水勇。廣州附近招覓斷不足恃。二十六日。鳳凰岡之堵截水勇聞礮逃走。竹排反為賊所壞。是其明驗。至前奉

諭旨。飭查安南。輓船是否可用。等語。據林則徐摺。前經製造數隻。駕駛不能得力。且製造需時。亦屬緩不濟急。等語。與督臣祁墳撫臣怡良密商。另派勤奮員弁。分赴香山。東莞一

帶潛募熟習風浪勇敢水勇二三千人。並雇買快蟹船形。類蜈蚣船而稍大。可載百五十斤大礮一位。佛郎機四位。進退捷速。較作安南軋船工省而用便。分配駕駛。偽作商漁裝扮。繞道潛襲。以收火攻之效。現在甫報入境者。尚有湖南湖婁四川續調兵三千八百名。廣西兵五百名。日內即可全集。等語。挑選各營精銳。以為前驅。分帶礮位。在陸路接應。與水勇互為保衛。環相轟擊。一俟接仗後。再行馳奏。仰慰

聖鑒

硃批。必須計出萬全。謀勇兼施。揚國威而喪逆膽。朕佇盼捷音之

至諒卿等定能迅奏膚功共膺懋賞勉之慎之

諭軍機大臣等。奕山等奏官兵漸次到粵。分守要隘。一摺。覽奏均  
悉。粵東民情浮動。經該將軍等妥為布置。衆志成城。守者有堅  
定之心。戰者必有奮勇之氣。現在所調各路官兵。諒已陸續到  
齊。在募水勇。並備辦快蟹等船。亦應次第齊備。該將軍等務當  
謀勇兼施。分路兜剿。毋令該夷聞風遠竄。惟所奏由廣西購辦  
大木。韶州肇慶二府置造小木排。並提催江西廣西礮仗。尤當  
嚴密催辦。以應要需。該處漢奸既多。所有商辦一切機宜。自應  
加意慎密。毋稍洩風聲。另摺奏查明香港地方情形。內地人士  
皆聞緊要。豈容逆夷圖跡。所有前經該夷占據之香港。並現在



寄泊之共沙甯等處地方均著該將軍等於進勒得手後全將該夷驅逐谷地盡行收回至琦善與義律如何說話及有無餽贈往來現在鮑鵬業經起解送京俟抵京後再行研鞫不難水落石出又奕山等遵旨查明各國夷商情形一摺既據奏稱各國並不敢觊望於天朝自必安心貿易毫無驚疑該將軍等即著妥為撫綏俾逆夷捨知惡貫滿盈自絕生路各國僮能輸誠效順自顧生計漸興嘆夷攜貳則以毒攻毒未始非用兵權變之計惟在該將軍等計出萬全揚國威而畏逆膽朕位盼捷音之至諒將軍等必能迅奏膚功共膺懋賞也勉之

欽差大臣江蘇巡撫裕謙奏寫芽先後承准軍機大臣字寄道先

二十一年二月二十九日奉

上諭據裕謙奏安設大礮請於閩省酌借等情已諭知顏伯燾等妥籌酌辦惟閩省近海地方亦關緊要該處新鑄礮位能否多餘足敷借撥尚難懸定據奏閩省委員礮匠已至鎮海雖製造尚須時日可免往返撥運之勞著該大臣迅即飭令該委員趕緊鑄造毋誤事機又三月初六日奉

上諭製礮在於適用價斤兩過重取料未能純淨鎔鑄未盡得宜恐一經轟擊易於炸裂轉致害事著該大臣督工選造認真講求勿致有名無實又三月二十五日奉

上諭召募水勇分路防守亦應時加練習俾知衛城即所以自衛

不可恃眾滋擾務使兵民相安守望相助至江甯河南所造撞  
礮除帶赴浙江軍營一百桿外如尚不敷仍著隨時調撥又聞  
三月初一日奉

上諭甯海縣游奕夷船該員弁等勒解情形著據實奏聞各等因  
欽此伏查等前因鎮海礮局購備鋼鐵皮斤雖皆可用聞  
浙匠工亦已調集而所做礮機均不能如式聞匠做法又  
與浙匠不同不能併爐共鑄其故皆由鑄礮之法業已失  
傳從前之委員匠工非強作解人即不求甚解致同築室  
道謀若不研究精微如法鑄鑄誠如

訓諭轉致害事是以一面奏明咨會閩省添調匠工酌借礮匠一

而督飭委員悉心考究。卅月之後始有把握。閩浙匠工亦能合而為一。適准閩省咨覆。厥位無可借撥。厥匠亦難添調。茅復督飭委員。就現在工匠趕緊鼓鑄。截至閏三月初十日已鑄成一千斤至四千斤銅版共五十五位。內已打磨完竣。試放力能致遠者三十位。除撥解定海二十位。安設鎮海縣城及招寶金雞兩山十位外。其餘二十五位現飭分守打磨。隨竣隨試。隨撥以資守禦。是銅版一項業已得法。不難接續鼓鑄。計日以待。惟鐵版之質性較銅版稍異。茅現仍親督委員匠役逐日講求爐火。鐵花與版身之輕重長短。體口之厚薄大小。似亦畧知梗概。將次可以開

工俟鑄出一二位即可得其要領至江甯河南所造撞礮  
江蘇省雖有九百桿而該省海口林西現當南風司令大  
礮尚未鑄成則撞礮一項多多益善浙江各營向無撞礮  
必應添設且應乘江南官兵在浙時教以施放之法方資  
利用等前已行令江甯藩司督飭局員代浙江製造二百  
桿應需工價銀兩由浙江軍需項下撥還報銷現據具報  
本月望間即可工竣解來所有江蘇撞礮似可毋庸再撥  
又水勇一項本係烏合之衆不諳紀律且皆沿海驍悍之  
人若聚成大幫恐不免恃衆滋事現在既難彈壓將來更  
難遣散是以才多派委員分頭召募或二三百人為一隊

或百餘人為一隊或數十人為一隊或閩或浙總不得專募一州一縣之人又擇其中勇敢諳練衆所推服者為頭目視其才力所及或管領數十人或管領一二十人仍揀派文武委員時加訓練分隊統帶或伏於海汊或把守口岸不令聚集一處無事以浮水鼓風跳躍擊刺為練習有警即隨機調派可多可少可分可合俾得互相激勵各盡其長俟夷務平定亦可陸續遣散該水勇等咸知大義且圖殺賊立功以邀重賞與官兵居民均屬相安又甯在甯海縣金漆門等處外洋游奕之夷船一隻遣兵勇到彼業已不知去向至三月十六十七等日又在甯海縣滿山洋

面游奕。經江南提標外委袁兆磐。蘇州城守營外委史建  
功。先後前往採寶。選集各路兵勇。共小船五十餘隻。於十  
九日乘潮順風。直撲夷船。該夷遠見。即向東南深水大洋  
疾駛而去。以致不能得手。現在浙江洋面。雖尚安靜。而此  
一二船。仍然忽遠忽近。忽隱忽見。游奕不定。總不敢駛進  
口岸。實屬可恨。特惟有會同余步雷。再行設法誘擊。務使  
片帆不返。以仰副

聖主告誡諄諄之至意

殊地所奏俱悉。依議妥歸

壬午山東巡撫托渾布奏。竊照東省營務。昔三府所轄洋

面各有島嶼見於誌乘者八十四島其中地脈枯絕形勢  
危險人跡未能達至者五十二島有井泉柴薪有田園廬  
舍者三十二島臣前慮夷船北駛有民居各島設被逆夷  
占據賊必脅我民人為彼鄉導携我畜產繼彼資糧是我  
失地利轉使逆夷進退有據必須通盤籌計或遷或守先  
事豫防以免臨時失措當經奏明飭該管道府分派委  
員會同各地方官以編查保甲為名先將各島戶口廬井  
及地勢寬狹海岸遠近分晰查勘一面由臣摘敘簡明告  
示徧行剴切曉諭如夷船駛近各島居民有敢給予一粒  
之糧一勺之水即照私通逆犯律梟首海岸示眾嗣據陸



續查明造冊繪圖由該道府等彙覈稟覆臣由省來登沿  
途接見該府州縣復向詳詢情形及抵登州後又督同登  
萊青道王鎮悉心參覈查有民居之三十二島分隸於登  
州府屬之蓬萊黃縣福甯海文登榮成海陽萊州府屬  
之掖縣膠州即墨青州府屬之諸城等十一州縣臣詳度  
各島形勢其有懸崖峭壁近洋多礁石傍岸皆陷沙及僻  
處海角不通大洋逆夷三板小船間可近岸而大船必不  
能駛到者則有蓬萊縣之大竹山大黑山黃縣之桑島吧  
吧甯海州之養馬榮城縣之雞鳴海陽縣之馬官掖縣之  
三山膠州之黃島竹岔靈山即墨之陰島栲栳等十三

島。查各島居民多者四五百戶。少者二三百戶。及百餘戶。不等。多以捕魚為業。若概行內徙。必致盡棄生機。流離失所。而撥兵分守。又限於道省。額兵無多。勢難處處設防。經該委員等體訪輿情。該島民經官曉諭。深明大義。均願自固藩籬。協力防守。現經巨賁成該管文武各官酌撥兵役十數名。常川在島巡查瞭望。並選島民之強健者。由官捐給刀械。使之自行團練。如瞭見夷船由洋經過。飭令該兵役等一面飛報該管官。相機應援。一面即督率各島民糾集壯勇。或圍守口岸。或塞斷上岸路徑。務使逆夷不能登岸。擄掠薪水資糧。以絕接濟。此各島不甚險要。先期團練。

島民以自守者也。其有逆夷大小船隻皆可駛近而衝臨大洋。限於形勢不能扼守。及島距岸近無待設守者。則有蓬萊縣之大小欽島。小黒山島。北隍城島。甯海州之崆峒島。文登縣之劉公島。榮成縣之鎮邪島。楮島。倭島。海陽縣之棉花島。小青島。黃島。楮城縣之齋堂等十三島。地勢較窄。島民多者數十戶。少者十餘戶。及零星六七戶不等。其地斥鹵產糧無多。井泉亦少。民皆以漁為業。此內如大小欽島。小黒山島。北隍城島。崆峒島。劉公島。皆孤拳獨峙。四絕無援。且重洋遠隔。相距城岸。或二三百里。或百數十里。若分兵防守。設被夷匪圍岸攻擊。首尾絕無策應。軍餉兵

械必致為賊所據。又如鎮邪島、楮島、倭島、棉花島、小青島、黃島、齋堂島，則皆附近內洋。依傍口岸，現在沿海各有防兵。移民就兵，即無須分兵於島。體訪島民，亦皆情願臨時。概行內徙。臣現今各地方官雇小舟分布近島各處，設聞賊警，渡民內地，妥為安插。並將島上井泉塞斷，棄此淺窄荒島，無水可取，無糧可據，即無虞。賊匪占據此各島，不能設守，不待設守，而必須臨時酌徙者也。其有近島洋面開水，水勢寬深，為南來海船經由要路，而幸其地接陸路，易於防衛者，則有福山縣之之罘島、榮成縣之亶石二島。查之罘一島，東西長二十餘里，南北寬五六里，島內三村居

民五百餘戶。東南口門直通大洋。南北海船必由該處停泊。島之東麓舊有砲臺。臣現派東昌營千總金廷選帶同該營官兵一百名駐紮該島。並飭該縣就近團練島民一百名協力防守。其島之南岸有山名煙臺。形勢高敞。前面正對外洋。據高俯瞰。則洋面情形瞭如指掌。現飭該縣於山腰挑濠砌牆。以便藏兵設砲。並令多樹旗幟。以為疑兵。府城現鑄鐵砲。容俟鑄成運往該處。相度安置。以壯聲勢。石島長寬十餘里。商民八十餘戶。但島周圍八九里。商民六十餘戶。島後皆通陸路。島前二三里即係大洋。形勢平敞。為南北海船收泊之所。島民雖未甚多。而商販往來為

東汛著名口岸。臣現派臨清營都司奎榮帶同該營兵丁一百名駐守石島。並將東汛戰船分撥於俚島附近之養魚池。即派該汛守備余鑑酌帶弁兵七十名常川在俚島駐守。使與榮成縣現駐之臣標左右兩營及文登營弁知聲勢。遙應互為巡防。此各島近陸易於策應。可以明設防兵者也。其有洋面衝要為夷船窺伺要路而遷守皆非善策者。則有蓬萊縣之廟島。蘆磯等島。查該二島一在府城西北六十里。一在府城正北一百二十里。四圍皆係深水。外洋南北海船赴登州府近城口岸。必先由該二島經過。而廟島尤為近城之長山島屏障。該二島各長五六里。

居民百餘戶數十戶不等其地多可布種而又處處井泉湧出不能一概堵塞如徙民棄島設被賊匪占據則淡水資糧取之即是若分兵據守非惟無此兵加且孤懸大洋距城遙遠策應不及且與在登文武再四籌商萬不能徙民棄島而亦萬難明設防兵旋據臨清協副將廣泰稟稱覓得關東獵戶鄰大魁等仿照暗伏火槍打獸之法酌用威遠礮及鳥槍分別設伏為暗守之計其法就礮身大小各製木匣前留口門藏礮於匣於礮尾火門傍用翎弓懸夾火石並於火門前釘以銅鐵一片下放烘藥用蠟弦反扣翎弓將弦繫於匣口機括之上接以長弦密釘於匣前

二三十步以外。並將木匣用蘆席遮蓋。上掩浮土。其長弦之上。則雜以草。藉荆棘等物。外視則為土堆亂草。絕不留意。一經誤踏。則長弦自動。弦動而機括亦動。弰弓翻擊銅鐵。迸出火星。烘藥一燃。其礮自發。鳥槍亦照此製備。此即采用俗傳自來火槍礮。而靈透過之。臣以該副將所稟。雖近於古人用地雷之法。恐製造不精。難收實效。當今如法先造數位。臣於教場率同文武各員。詳細試驗。其機頗密。而其用尚巧。現飭趕造一百六十匣。運往廟島六十匣。薺磯島一百匣。即派該副將廣春帶同升兵及該獵戶等親赴該二島。相度地勢。傳集島民。備詢路徑。除留出島民走



路今其暗存表誌外。餘俱處處暗伏槍礮。使不習路徑之  
人。觸處皆可誤踏。並於各島密派弁兵數十名。雜於居民  
之中。常川駐守監視。不紮營盤。不設旗幟。一似全未設備。  
若逆夷圍掠島上。薪水明見無備。必不遽用礮擊。誘之登  
岸。誤踏火機。立斃其命。夷性多疑。一處被傷。則處處皆疑。  
有伏不敢輕入。此該二島勢難遵棄。而又兵力不能明守。  
不得不暗設埋伏者也。其有地勢廣闊。煙戶稠繁。又與郡  
城有對峙之勢。至近而最要者。則莫如蓬萊縣之長山一  
島。查該島長三十餘里。寬四五里。四圍皆深水大洋。一島  
分為南北兩城。各有城基遺址。南城六社。北城二社。居民

一千二百餘戶。約四五千。其地在登州府城之北斜對郡垣。洋面相距三十里。絕無屏障。島高於城。由城視島。近若咫尺。各路海船。必須由島之左右經過。始達近城口岸。實為全郡藩籬。守島即所以守城。而撥兵赴島。三十里洋面。片帆可遠。大兵屯聚近城口岸。尚易策應。臣以省西調到各兵。恐不習海島水土。當與登州鎮臣王明商酌。撥該鎮登中登右。及北汛水師各營弁兵三百名。並查臨清協副將廣壽。曾任登中營遊擊。熟諳情形。辦事亦極奮勇。即派該副將督同安東營都司賽娘等。帶領各兵赴該島駐守。且以島民素多驍健。而蓬萊縣訓導丁堃。手尤為該島

士民信服。委令該員隨同該副將等團練壯勇一千名。由府城發給槍矛一千桿。分給該壯勇。協力防守。一面即飭該將弁等仿照府城防禦之法。就該島形勢。堆築沙隄。挑掘濠溝。以資障衛。並由府撥運大小各礮數十位。飭於隄後擇要安置。其由島赴城洋面。多雇商船。常川排列。以便護送軍糧。接遞文報。設遇夷船攻擊。近城大礮能轟逼二三十餘里者。即可遙相應援。若夷船近城。則島上弁兵亦可開礮圍擊。非惟防衛全島居民。而郡城聲勢。更覺雄壯。此最要之島。必須遣委幹員督兵駐守者也。凡此分別布置。實以各島散列於三府十一州縣。洋面相距三千餘里。通

省額兵堪以調防者僅止三千餘名。不得不因地因勢設法防維。縱不敢自信為籌策無遺。要惟竭盡血誠。嚴督地方文武各官。激勵軍民同心敵愾。斷不容逆夷闖入口岸。窺我瀛壖。以仰副

聖主垂注海防至意。

硃批所辦周妥。隨時小心防守。

托渾布又奏。再臣承准軍機大臣字寄。奉

上諭。托渾布奏。勘明隍城島情形。一摺。據奏。添雇漁筏。多募水勇。協同官兵。節節巡防。與盛京直隸各海口聲勢聯絡。互相策應。等情。所議尚屬周妥。著照議辦理。惟所奏山島安設大礮。遇有

夷船駛過兩而夫攻度計破力所及止於二三十里中間百數十里洋面斷非兩面破力所能邀截現已酌撥大小破數位弁兵數十名飭赴該島駐守等語該處小島既係孤峯高聳遇有夷船駛近破力不能遽及又無策應設被逆夷將山島占據得毋借寇兵而濟盜糧耶此一條著托渾布再行斟酌妥議具奏欽此伏查南北隍城二島形勢淺窄南島並無居民北島間有零星漁戶二十餘家其地硠薄不產糧食井泉絕少本無須於設守前奉

諭旨安設破位且以島外洋面為南船赴直隸天津要路故酌撥兵艦以壯聲勢今蒙

聖明指示臣詳加斟酌該處安設兵礮既不能邀截夷船而孤軍無援勢實堪虞且戶少易遷荒島無虞賊占已棠入陷島捐內統議臨時酌從以省兵力

硃批知道了。

托渾布又奏再臣前將登州府城海灘堆築避礮沙隄繪圖貼說附片補行奏呈

御覽欽奉

硃批圖留中惟山上所設之礮是否得加其詳酌之欽此又承准軍機大臣字寄奉

上諭托渾布奏較閱兵勇試驗礮位一摺所請尚屬周妥著即照

議辦理。惟據補行繪圖呈覽。朕詳加披閱。該處山皮高低不一。離海道路遠近亦異。且洋面寬廣。水勢自各不同。必當勘度地形。分別最要次要。酌量安設兵礮。備防抵禦。方能得加。若於不甚險要之處。按段排列。轉同虛設。該撫現駐登州。著再體察形勢。是否得加。詳酌妥辦。為要。欽此。查東省海道綿長。無險可扼。而登州府近城洋面。形勢寬敞。尤為全洋衝要。就中再分別最要次要。則府城迤東之太平灣。起西至天橋口。此皆係深水大洋。十里內。夷船即可停泊。三板小船處。可以攏岸。實為最要。由天橋口迤西至田橫寨一帶。十里外。即係深水大洋。夷船亦可停泊。是為次要。又由田橫寨迤西。

至西山口及黑峯臺一帶。近岸水勢較淺。十五六里以外亦係大洋。夷船可到。其三板船直可傍岸。亦為次要。而其實東西相距。近在十里內外。均須嚴兵設守。現在按段紮營。聲勢聯絡。委無虛設之處。至山上設礮。如城西之田橫寨。緊接水城。蓬萊閣。居高臨下。可以俯瞰府城。虛實為近城要地。故前代曾於該處設立營寨。現在尚有遺址。茲臣復會督鎮道詳細相度情形。該處安營設礮。實為扼守要隘。以壯海岸各營聲勢。惟山頂稍高。將現設各礮。移置山腰之下。更為得力。其最西之板石崖。黑峯臺。山峯不高。緊臨海面。必應安設礮位。方足以杜賊船近岸滋擾。



硃批著照所奏妥為防備

四月己丑

欽差大臣兩江總督裕謙奏竊等承准軍機大臣字寄道光二十一年閏三月十三日奉

上諭本日已明降諭旨令伊里布來京候旨兩江總督著裕謙補授矣裕謙接奉此旨即將定海應辦事宜交劉韻珂余步雲周開懋妥為經理該督即赴兩江總督新任如有未了之事必須親身督辦者或於到任後再行赴浙查辦亦無不可等因欽此伏查定海撫卹難民建築土城礮城均已完竣鼓鑄大礮亦已鑄成六十位不難接續辦理浙江洋面安靜連日以

來未據報有夷船遊奕善後各事宜亦經才酌定章程容  
即繕摺恭請

訓示其餘修繕城池建復衙署等事本係地方官應辦事件又有  
周開麒督飭經營可期無誤就現在情形而論已無必應  
孝親身督辦之事惟浙江江蘇兩省同為天下精華之地  
財賦之區最關緊要鎮海地方實為浙東門戶夷船往來  
不可豫必提臣余步雲雖久歷戎行而係陸路出身於海  
疆夷情未能諳悉似無把握上年到浙後即誤信定海鎮  
總兵葛雲飛張皇搖惑之辭不能化解雖經孝委曲開導  
終不免中懷疑懼處州鎮總兵鄭國鴻貌似勇敢而師心

自用利心亦重。與余步雷萬雲飛。不能和衷共濟。聞浙總督臣顧伯燾。浙江撫臣劉韻珂。皆以為憂。屢囑李留心察。李因現當用人之際。苟有一長可取。即當畧其所短。駕馭而用之。兩月以來。不憚煩瑣。不避嫌怨。諄諄詰誥。多方激勸。該鎮等尚知自愛。用命惟積習已深。恐其復萌故態。又有江南駐防旗營及壽春徐州兩鎮標官兵。皆係精悍之卒。帶兵鎮將。雖甚嚴明。而無統轄之人。亦恐主客不和。滋生事端。若貿然撤退。浙江可恃之兵無多。官既畏蕙。民更惶惑。於大局殊有關繫。是以李函囑撫臣劉韻珂。即日前來鎮海。駐紮彈壓。李再行起程。並將江南駐防旗營官

兵先行撤赴上海。又嚴札帶兵鎮將及沿海各鎮營告以  
等前赴兩江接印後仍即遵

旨來浙。一切防勦事宜就近咨稟劉韻珂定奪遵辦。庶事權歸一  
不致各存己見。致有歧謬。仍由各鎮將徑報等查考以示  
維制。惟劉韻珂事務繁重。且有乍浦海口必須就近兼顧  
勢難久駐鎮海等處。駐上海更有鞭長莫及之慮。可否仰

懇

聖恩另行簡員來浙接辦。以專責成。所有

欽差大臣關防。應即委員恭齋呈繳。而當此南風司令之時。各處  
海口更應慎之又慎。一經呈繳關防。竊慮無知兵民妄生

揣度造作浮言。謂將通商息兵。心存懈忽。等擬俟起程後。將關防暫行敬謹封貯。恭候

諭旨遵行。

諭軍機大臣等。本日裕謙奏接奉寄信諭旨。擬即起程。並將關防暫行封貯等語。覽奏均悉。該督接奉升任諭旨。已函囑浙撫前赴鎮海彈壓。此時劉韻珂計已到彼。面商一切。裕謙到兩江總督任後。將各海口防堵事宜。辦理妥協。即著折回鎮海。調度將先。並不時查訪定海情形。軍民果否相安。夷船有無窺探情事。不准稍涉大意。所有欽差大臣關防。仍著裕謙管帶。以專責成。至提鎮各員。該督相處已久。其於戰守能否相宜。或須酌調。方

可得力之處。著該督隨時察看。據實具奏。無稍遲就。總之該督現雖授任兩江。而浙省為海疆門戶。與江蘇毗連。不可稍分畛域。現在欽差大臣關防。仍令該督管帶。呼應最靈。所有調撥將備。撫綏軍民。一切緊要事宜。均責成該督。認真經理。務使首尾相應。毋得顧此失彼。致有疏虞。

辛卯。江西道御史駱秉章奏。竊惟逆夷在粵滋擾。幾及一年。乃自前督臣琦善到粵。查辦將招集之水勇。防備之守具。全行撤去。迨大角沙角失事。提鎮專弁赴省求援。僅發兵數百名。道之夜渡。惟恐逆夷知覺。以致提督關天培總兵李廷钰。在礮臺遙望而泣。琦善復於正月初四日。在蓮

花園請逆夷宴會。卒之開門揖盜。逆夷將虎門橫檔礮臺攻陷。旋即進攻南山鎮。連兩礮臺。弁兵傷亡。兩礮臺亦失。大虎小虎礮臺不攻自破。逆夷兵船直至烏涌及黃埔。獵德。又從旁河由鳳凰岡抵白鵞潭。所有礮臺均已拆毀。礮位拋棄河內。當虎門失守之時。省城各官先將家眷紛紛逃避。以致人心惶恐。城廂內外居民鋪戶十遷八九。內地匪徒肆行劫掠。難民有被搶去財物者。有虜去婦女勒贖者。傷心慘目。不可言狀。各處會匪乘機擾害。或十人或數百人。白晝搶劫村莊。聞番禺李邨大石等處殺傷事主之案。不可勝計。此皆因逆夷圍攻省城。官兵不暇兼顧所致。

也。故逆夷一日不靖，則匪徒一日不清。然就今日之情形而論，夷船未據省河，尚可言戰。言守既據省河，則戰守倍難。為加逆夷，礮無虛發。我礮雖發，無準。火藥半雜沙泥，轟擊不能及遠。徵調各兵，向習陸戰。水戰皆非所諳。夷人搶奪隘口，先用礮攻擊。然後登岸，故兵力不能制勝。此時惟有相度機宜，設法保護。或為緩兵之計，或為反間之謀。然後修復礮臺，有可守之地。整頓船礮，有可戰之具。鼓勵士卒，有可戰之人。他日觀釁而動，大挫其鋒，則醜類可以蕩平矣。然臣更有慮者，奉天為根本重地，天津為畿輔要區。近聞逆夷在粵，造車載礮，揚言復至天津，以彼包藏禍心，詭



秘莫測或聲東擊西無從逆料不可不豫為防備應請

救下盛京將軍直隸總督於防海弁兵勤加操練礮位時常演放  
招募水勇以張聲勢嚴緝漢奸以絕勾引庶幾有備無患  
逆夷自聞風遠遁矣

駱秉章又奏臣風聞湖南兵到粵沿途騷擾所過市鎮居  
民多受其累當逆夷進攻烏涌其時湖南兵皆在烏涌駐  
紮聞礮即逃自相踐踏落澗死者數百名其餘逃至獵德  
竟因搶奪財物至有傷斃鄉民之事粵民既苦於寇復苦  
於砲水深火熱之形何堪設想應請

救下靖遠將軍朱贊大臣於各省調到兵丁務必嚴加約束庶兵

民相安而敢懷愈奮矣

靖遠將軍奕山參贊大臣隆春楊芳兩廣總督祁項奏竊  
才等於閏三月初六日拜發守禦省垣情形摺後於十四  
日承准軍機大臣字寄道光二十一年三月二十九日奉

上諭奕山隆春接奉諭旨並籌辦情形一摺覽奏均悉據奏暫  
候祁項到韶州面商一切現在祁項想已趕到各省官兵計應  
陸續抵粵礮火各項器具亦不日可成該將軍等諒早馳赴省  
城會合一處抄襲該夷前後路徑併力攻剿不使逃遁昨楊芳  
怡良奏請准與港脚船隻通商因其慢怠軍心已降旨交部嚴  
議奕山隆春經朕面授機宜且屢次寄諭飭令一鼓作氣殲滅

醜類該將軍參贊等務當激發忠良協力同心以揚國威而伸天討勿為浮言所動是為至要欽此等跪聆之下無任悚惶  
李奕古隆文臣祁項出都時荷蒙

皇上面授機宜又屢經

申諭

天恩高厚特切同仇到粵之後與參贊楊芳撫臣怡良將軍阿精阿協力籌度催調韶州廣西兩路木排礮位並明定賞格分遣精細差弁赴東莞順德香洲一帶招覓水勇豫備火器購買船隻選定各營勇銳兵弁五千餘名定於閏三月二十日後月黑順潮水陸夾擊內外夾船以便收復各處

礮臺詎意自初七日後大雨滂沱晝夜不止西北兩河同時盛漲山逼溜急浩翰異常加以風颳時作後到湖北賊營兵船被浪擊碎幸近岸得全所運木排多被沖散直至十六七兩日廣西木排始放到佛山韶州木排尚未敢過峽近省內外河水深四五丈五六丈不等夷船自二月二十六日聞進省河之後大黃窰三沙尾近省南北二要隘早經該逆據守自黃埔島涌直至虎門沿路礮臺皆為分占又自外河採木至佛山南之五汊河花地口外白鷺潭亦有逆船停泊蓋緣佛山為糧運聚會之所而編紮木排鑄造礮位皆在其地恐其斷截運道前派總兵文哲璽帶

廣西兵二十名在彼防守而花地為佛山入省之咽喉更為可慮。李等恐河道梗塞連日於城外附近購求屋材另為趕造以備急用。逆夷驕悍已極既慮其猝攻又恐其遠遁各路所覓水勇到者不滿千人其香山一路又須統出外河以為抄截大黃窖夷船之用據報所覓猶未足額。李等前在途次移咨閩浙總督招募水勇一千名亦尚未到粵而廣州附城俱係陂塘陸路依山下營暫為駐紮因河汊阻隔又恐不能聯絡聲勢未便調撥遠出况攻夷祇仗火攻而火攻非順水順潮天氣晴燥不能得加目下柴草淋瀝器勇未備攻不可恃李等十分焦灼惟有嚴守城垣

安輯居民。厚賞勇敢之。如改装四。如潛入其巢。謀斬渠首。以寒逆膽。俟陰雨開霽。即行內外進剿。仰慰

聖鑒

諭軍機大臣等。本日英山等馳奏山水盛漲。省河漫灘。一摺。據奏選定兵弁定期進剿。適值大雨滂沱。河水盛漲。不能剋期分剿。逆夷聞進省河之後。近省要隘已被據守。礮臺亦皆分占。現在器勇未備。攻不可恃。等語。覽奏均悉。攻剿逆夷。自須計出萬全。謀勇兼施。該將軍等務當慎密運籌。催集礮械。募調水勇。一俟兵械齊集。即行相機進剿。一鼓殲擒。以伸天討。固須謀定後戰。亦不可坐失機宜。是為至要。再據御史駱秉章奏。逆夷在粵造

車載礮揚言復至天津等語著該將軍等確切偵探據實具奏  
又另片奏湖南官兵到粵聞有騷擾情事亦著該將軍等申明  
紀律嚴加約束以期兵民相安

兩廣總督祁項廣東巡撫怡良奏臣等於閏三月十一日  
承准軍機大臣字寄道光二十一年三月二十五日奉

上諭著祁項怡良傳知林則徐賞給四品卿銜迅即馳驛前赴浙  
江省聽候諭旨欽此臣等當即欽遵

諭旨傳知林則徐該員伏地叩頭恭謝

天恩即於本月十三日由粵起程馳驛前赴浙江

諭軍機大臣等前諭令祁項怡良傳知林則徐賞給四品卿銜迅

赴浙江候旨。本日據祁項等奏稱林則徐業於上月十三日由粵馳驛赴浙等語。著裕謀於林則徐到浙後酌量相當差使奏明請旨將此密諭知之。

乙未廣州漢軍副都統英隆奏竊奪於本年二月二十一日遵

旨押解琦善由廣東起程併督同委員署廣州佛山同知李百齡押解鮑鵬一同進京。現於四月初八日行抵河間府城計期本月十四日方可到京。是否解交刑部謹奏請

旨。

諭內閣英隆奏押解琦善將次到京一摺琦善著解交刑部鮑鵬



亦著一併解交刑部。派睿親王莊親王惠親王定郡王大學士  
軍機大臣六部尚書會同刑部審訖。

欽差大臣兩江總督裕謙奏竊照防堵海疆首重大礮而浙江水  
路各營鎮將備弁能知放礮之法者惟黃巖鎮標中營遊  
擊林亮老尚稱諳練餘則絕少其人各處海口所安礮位  
幾同虛設。竊到浙後查知其故即將施放礮位應視膛口  
之大小以合門彈之大小再視門彈之斤數以定受藥之  
斤數並視礮身之長短厚薄堅脆以定應否酌加葶子及  
改用空心飛彈試練準確另製加工火藥按礮配準藥彈  
編號存貯以備轟擊緣由明白通飭又經督撫提督嚴飭

先行演試。不啻三令五申。茲有溫州鎮屬之樂清協標護  
磐石營都司李振階。經樂清協副將馬維衍委令演放。礮  
位。該護都司將三千四百斤之礮。始則裝藥六斤。彈三斤。  
因不能致遠。又另裝藥八斤。彈六斤。冒昧演放。以致炸裂。  
又溫州鎮標右營千總蕭大彪。外委顏瑞。將五千斤及五  
千四百斤大礮。裝藥十斤。彈八斤。演放炸裂。又溫州鎮標  
右營遊擊許騰蛟。經溫州鎮總兵孫廷揚委令會同署瑞  
安協副將邵鳳鳴。演放五千斤大礮。裝藥十斤。彈八斤。亦  
即炸裂。共擊斃兵丁二名。擊傷兵丁三名。請

旨將督率無方之溫州鎮總兵孫廷揚。樂清協副將馬維衍。交部

議處並將練習不精。不知藥彈數目之署瑞安協副將事。五環營參將邵鳳鳴以都司降補。温州鎮標右營遊擊許騰蛟以守備降補。設磐石營都司事。該營千總李振階。温州鎮標右營千總蕭大彪以外委降補。外委顏瑞以馬兵降補。仍責令練習。以觀後效。再沿海營分練習大礮。係目前第一要務。今温州鎮標各營於礮位應裝藥彈數目。尚未能知。則其平日所稱演放礮。係屬虛文塞責。已可概見。經奉此次叅辦之後。誠恐從此更形畏葸。或並不演放。空文一報。冒銷火藥。或少裝藥彈。敷衍了事。均未可定。應請嗣後沿海各營升拔升缺。不論原習何藝。俱試以大礮。

如不諳練即不准升拔并由督撫臣隨時揀派不避嫌怨之司道大員周歷各營會督演放儘仍不能諳練即將該管將備據實揭恭庶冀人人精熟以重海防而昭覈實

諭內閣裕謀奏恭演放大礮炸裂多位傷斃兵丁之鎮將備升請分別降補議處一摺防堵海疆首重大礮必須配準藥彈如法演放方不至有炸裂之虞乃浙江省鎮將備升等平時既漫不經心當此用兵之際仍不勤加練習以致炸裂大礮四位傷斃兵丁五名必應嚴加叅辦所有督率無方之温州鎮總兵孫廷揚樂清協副將馬維衍著交部議處其練習不精之署西安協副將李玉環營參將邵鳳鳴著以都司降補温州鎮標右營遊

擊許騰蛟著以守備降補護營石營都司事該營千總李振陞  
温州鎮標石營千總蕭大彪著以外委降補外委顏瑞著以馬  
兵降補仍責令練習以觀後效至該大臣奏稱沿海各營升拔  
弁缺俱試以大礮如不諳練即不准升拔等語大礮非比尋常  
軍器時時可以演習亦非盡人皆能演放嗣後著責成提鎮大  
員於沿海各員揀派將備弁兵認真練習如法演試務期施放  
有準不許再有炸裂如仍不能諳練即著據實叅辦以重海防  
而昭覈實餘著照所議辦理該部知道

戊戌前任兩江總督伊里布奏竊於道光二十一年閏  
三月十九日承准軍機大臣字寄閏三月十三日奉

上諭。本日已降旨。著伊里布來京聽候諭旨。將裕謙補授兩江總督矣。伊里布接奉此旨後。著即將兩江總督篆務交程商采暫行護理。即行起程來京。其家丁張禧一名。即著伊里布管帶來京聽候查辦。毋任逃逸。再朕聞伊里布買備沙船裝載石塊。為填塞吳淞海口之計。該處海口關繫農田水利。一經填塞。為患不小。此議純謬之至。現在如已填塞。著伊里布即行開通。儻辦理不善。致有淤墊漫淹等弊。必當重治其罪。決不寬貸。等因。欽此。跪誦之下。惶悚難名。竊現於本月二十七日。遵

旨。將總督關防。鹽政印信。交程商采護理。即於是日起程進京。恭

候

諭旨至家丁張禧即張喜已於三月間告假回直隸天津縣原籍  
孝現已專差妥弁兼程尾追并飛咨山東直隸各督撫臣  
暨發牌傳知經由各州縣及原籍地方官一體截拿如該  
家丁尚在清江一帶即交清河縣收管若已出江境即解  
交直隸涿州管押俟孝到彼親自管帶進京聽候查辦斷  
不任其逃逸再孝本年回任以後因上海縣切近吳淞地  
方繁富商賈雲集為該夷素所歆羨之地誠恐其併力竄  
入或難抵禦擬於縣屬之黃浦江內用沙船數隻載石沈  
入中泓以資攔阻非欲將海口全行填塞嗣因勘明該處  
沙線曲折夷船一時不能駛進業已停止辦理足以仰紓

宸廔。

諭軍機大臣等。伊里布家人張禧。即張喜現。據伊里布奏稱。於三月間。回直隸天津縣原籍。已飛谷山東直隸各督撫。并牌行經過州縣。截拿等語。該犯現有應行查訊之處。既由江蘇回直隸。原籍著納爾經額。托渾布。裕謙。程喬。采。密。派安員。訪拿。務獲。無論行抵何處。即行押解入京。交刑部收審。斷不准任其逃逸。伊里布現已起程來京。并著納爾經額等。密飭押解各員。毋令張禧與伊里布見面為要。

壬寅。靖逆將軍奕劻。參贊大臣隆春。楊芳。兩廣總督祁項。奏。竊。等。於閏三月二十日。將山水驟激。未能剋期進剿。



情形恭摺具奏在案。拜發之後，即同廣州將軍臣阿精阿、督臣祁壇、撫臣怡良、副都統臣裕瑞、前任督臣鄧廷楨等派兵嚴密防守。一面備辦火船設局添招水勇，分路抄襲。正在趕辦間，而河水仍未消落，逆夷船隻自大黃等二沙尾兩路連檣駛進，謀攻省垣。先是，李等重懸賞格，徧示軍民。設計擒獲逆夷一名，賞洋銀二百圓。適有外委王成仕等擒獲探路逆夷二十餘名，李等督同藩臬兩司嚴行鞫訊，究出逆夷招集漢奸定計水陸分襲省城。是以李等不敢坐失機宜，遂決計先發以制之。前經派定翼長總兵段永福、張育霖、長春、翼長上行走前提臣張必祿、副將祺壽。

等分派陸路設廠防守而西廠臺又當逆夷來路尤為緊要派總兵張青霄督率副將楊開雲等帶同四川湖南弁兵加意防堵令管理水勇局司員西拉李李湘等挑選熟悉水性義勇一千七百餘名交藍翎都司胡俸傳守備孫應照五品軍功藍翎千總楊澤六品軍功藍翎外委陳朝陽六品軍功藍翎外委馮成川等帶領分起暗藏火箭火彈手執鈎鐮乘駕小快艇於初一日傍晚各處埋伏今三更後一齊焚擊等會同阿精阿怡良裕瑞分守各門並派侍衛珠勒寧德沖額岳松額德勒格爾忠春巴揚阿富明委護軍參領那瑪善等於城上分東西兩路分段巡邏查

令官兵在沿岸乘勢轟擊。該弁勇等分為三隊，力攻其左。右先抄其後路，同時並發。該逆黑暗，不知我兵多少，倉猝受敵。四面同時火發，弁勇伏身水上，直撲其船底，以長鈎鉤住船身，拋擲火彈、火球、火箭、噴筒。逆夷聞破環擊，而不能下及水面。須臾，火燄冲天，帆檣船船隨風旋轉。逆夷號呼之聲，遠聞數里，紛紛落水。自子至寅，共燒西路白鷺潭逆夷大兵船二隻，大三板船四隻，小艇三板數十隻。此外東路二沙尾燒小三板數隻。逆夷被擊及溺水死者不計其數。亦有乘便撈救得生，另歸夷船存住。仍有大夷兵船三隻，圍攻西礮臺，抵死抗拒。天色已明，水勇未能再行直

上總兵張青雲等督兵開礮該總兵伏兵臺下逆夷上岸者殺死數人夷船始退於南岸逆夷自去冬猖獗以來此次始經受創兵勇壯氣倍增而逆夷狡黠異常探知李等所備木牌火船礮船俱在泥城工作遂於初二日黎明趕來救援大火輪船一隻兵船三板四五隻火輪船二隻以大兵船同攻西礮臺以火輪船駛往窺伺泥城該處官兵閉礮抵拒擊沈三板一隻旋即退回查明未經配兵零星礮船被其焚燒數隻餘俱未動該夷兵船仍排列西礮臺對面間斷開礮總兵張青雲督兵固守竟日相持未被攻壞此初一日夜及初二日攻勦防守之實在情形也惟逆

夷性類犬羊。愍不畏死。外洋屯泊兵船。為數尚多。現仍陸續駛近省河。有增無減。廣州老城堅厚。定保無虞。新城卑薄。最為可慮。等不敢因乘夜進攻。偶然得手。遂致稍為鬆勁。惟有同心協力。賞罰必信。鼓勵將弁。奮勇圖功。以冀保守城池。仰紓

聖主南顧之憂

諭內閣。奕山等奏。焚勒省河逆夷兵船一摺。勒辦甚屬可嘉。據稱逆夷兵船。自大黃窖二沙尾兩路。連檣近逼省垣。該將軍等於四月初一日。飭令將弁。挑選熟習水勇一千七百餘名。交都司胡俸伸等帶領。分起攻勦。暗藏火器。乘駕快艇。埋伏各處。並督

今官兵在沿岸乘勢轟擊該弁勇等分為三隊先抄後路攻其  
左右該逆四面受敵同時火發弁勇伏身水上直撲船底鈎住  
船身拋擲火器須臾燒燬西路白鷺潭大兵船二隻大三板船  
四隻小船三板船數十餘隻東路二沙尾小三板船數隻逆夷  
被擊及溺死者不計其數總兵張青雲等復於西礮臺督兵開  
礮其逆夷上岸者均被殺戮次日該逆駕船救援又被官兵開  
礮擊沈三板船一隻逆夷始退等語逆夷自去冬猖獗以來毒  
漢漸張經此懲創足以快人心而勵眾志著奕山等仍加意防  
守省垣毋令逆夷兵船駛入各緊要口隘督飭將弁分段嚴密  
防堵毋稍疏虞其應如何設法進剿之處即著趙機籌畫計出

萬全迅奏膚功以膺懋賞。奕世隆名楊芳和填督率有加著先行交部從優議敘。發去白玉翎管一節四喜搬指一節帶鈎一節黃辦珊瑚豆大荷包一對小荷包二節著奕山祇領白玉翎管二節搬指兩節黃辦珊瑚豆大荷包兩對小荷包四節著隆名楊芳祇領在事出力文武員弁著該將軍等查明覈實保奏候朕施恩。所有傷亡兵弁水勇著分別咨部辦理該部知道。

癸卯掌福建道監察御史陳岱霖片奏。臣聞本年二月內粵東夷匪滋事。其時鎮遠礮臺九千斤大礮炸裂傷斃守兵五百餘名。其餘兵丁遂一聞而散。請

旨飭下廣東

欽差將軍大臣等東公確查按律懲辦

甲辰

諭軍機大臣等寄諭直隸總督訥爾經額直隸督標千總以守備儘先升用之白含章并督標前營守備張殿元千總葛鳴彪把總李天鳳額外兵丁三名著該督即派委委員按名押解來京聽候查訛

丙午

諭軍機大臣等上年琦善赴廣東查辦事件隨帶鮑鵬一名係由山東攜往鮑鵬係廣東人因何事至山東何人留住琦善何由得知其人著托渾布確切查明據實具奏毋許稍有諱飾